

Avannaarsuani paasisassarsiorneq: Kinap Issittumi aallussai anguniagaalu

Rush Doshi, Alexis Dale-Huang aamma Gaoqi Zhang

Brookings Institution, Aprili 2021

Nalunaarusiaq tamakkerlugu: <https://www.brookings.edu/research/northern-expedition-chinas-arctic-activities-and-ambitions/>

Tigusat aqqaneq-marluk

- Kinap “issittumi pissaanilissuannngornissani” ujartoraluarlugu anguniakkani suaartaatiginngilaa.** Kina 2030-mi “issittumi pissaanilissuannngortinniarlugu” pingaarnertut ukkatarineqartoq Præsidentip Xi Jinpingip Kinami atorfilittat Issittumut tunngasunut akisussaasut oqalugiaataanni ersarippoq. Anguniagaq allakkiani, Kinap avammut allakkiaani - pappiliartai qaqqorissut ilanngullugit - ersarikkaluartoq eqqaaneqanngingajappoq, Issittumilu anguniakkat pillugit avataanit paasisimasat naleriissarnissaat kissaatigineqarlunilu annermik Issittumi aallutat nunanit tamalaanit ukkatarineqarnerunissaat kissaatigineqarpoq.
- Issittoq nunarsuarmi “pilersaarusionermermi siuttunngortut ilaattut” unammillernissamut pilaaviunissaminullu naleqquttut Kinamit nalilerneqarpoq.**¹ Kinap Issittoq - Qalasersuaq kujalleq, immap naqqa silaannarlu ilanngullugit - naalagaaffigineqanngitsutut imaluunniit amigartumik naalagaaffigineqartutut issoraa. Avataani anguniakkat ilaat sumiiffinni eqqaaneqartuni unammillernerup aqqani killilersimaaneqartariaqarneri erseqqissarneqaraluartut allat misigittaatumik isiginnittaaseqarput, tamatumalu iluminni pisuussutillu sipporlugit unammillernissamut piareersartariaqarneq ersersippaa. Kinami Issittoq pillugu misissuinermerik ingerlatsisoqarfimmi pisortap assersuutigalugu sumiiffiit kikkunnilluunniit tikiqqarsinnaasut “pisuussutit unammillerfiunerpaatut” taavai. Kinami Nunami Isumannaallisaanermut Inatsit naapertorlugu Kinap nunatut pisinnaatitaaffini illersorsinnaavai, partiimilu annerpaami Chinese Communist Party-mi (CCP) atorfilittat Kinap pisuussutit nunarsuarmi inuiaqatigiit assigalugit pisinnaatitaaffeqatigissagaat siunnersuutigaat.²
- Kinami sakkutooqarfimmi allaaserisat Issittoq siunissami sakkutooqarnermi unammillerfiussasoq taakkartorpaat.** Allaaserisat Kinameersut avammut saqqummiunneqartut arlallit Issittumi sakkutooqarnermi unammillertoqaratarsinnaanera, Kinap anguniagaanut ajoqutaaratarsinnaasooq, nipaarsaarukkaluaraat sakkutooqarfiit allagaat illuatungiliuttumik imaqarput. “Pissaanilissuit unamminerat” “nunani tamalaani sumiiffiit tamanit tikiqqarsinnaasut soorlu Issittoq Qalasersuarlu Kujalleq tiguarniarlugit ilungersuunneqarnerisa ukkatarineqarnerat annertusiartussasoq”, Kinallu “sumiiffiit pingaarutillit pilerngunneqarnerini” “sakkulersortariaqaratarsinnaanini” avaqqussinnaanngikkaa isumaqarput.³ Kinamiit nunanut allanut aallartitat nunap ilaa nunarsuaq tamakkerlugu sakkutooqarnikkut unammillernermermi “naalagaaffissatut nutaatut” aammattaq nalillerpaat, ilinniarsimasulli Nunarsuup affaani avannarlermermi aqutsilernikkut “nunavissuit pingasut imarpissuillu marluk” aqutarilernissaat nunaateqarnermermi iluaqutaassasoq isumaqarput.⁴

4. **Kinamiut allataat Kinap Issittumi ilisimatusarnermik aallussinera Issittumi sunniteqarnerata pilersarusiornikkullu inissisimanerata killilersorneqarnissaanut erseqqissaataavoq.** Avammut nalunaaruteqarneq Kinap nammineq iluaqutissaanik nunanilu tamalaani iluaqutigineqartussamik kissaateqarfiugaluartoq Kinap Issittumi naalagaaffittut taamatuttaarlu pisuussutinut pilersarusiornermullu pisinnaatitaaffeqarnissamut “kinaassusaanik” annertusaanermi ilisimatusarneq “oqaaseqarnissamut piginnaatitaaffeqarnermut” Kinami ilisimatusarnikkut CCP-milu qaffasissumik inissisimasut erseqqissumik oqariartuuteqarput.⁵ Kinamiut isiittumi paasisassarsiortarneri misissueqqissaartarfiilu arlallit pisuussutinik pīaanermi issittumi aallussinissamut Issittullu silaannaani suliaqarnissamut misilittagaqalernissaq siunertaralugu Beijingimut iluaqutaapput.
5. **Issittumi naalackersueriaatsit atuutereersut Kinamiunit tapersersorneqarput, namminerli iluminni naammagittaalliutigisarpaat.** Issittumi periutsit nunallu ilaanni pisuussutinik piginneqataanissamut periarfissaqanngeratarsinnaaneq Kinamiunut erloqinartoq allakkani arlalinni eqqaaneqarpoq. Nunap ilaata pingaaruteqarnera “Issittumi naalagaaffiit siulliit” killinginik qaangiisoq allakkiani pisortatigoortuni annikitsumik eqqaaneqarpoq, ilisimatuullu ajuusaarutigisaannik Issittumi naalagaaffiit Kinap pilliutaanik “pissaaneqarnerulerniassagamik” “arfineq-pingasuullutik ataatsimuulernissaat” imaluunniit Issittumi siunnersuisoqatigiit aalajangiisinnaalersillugit peratarsinnaavoq.⁶ Kinap “kinaassutsiminik siammarterinera”, pingaarnertut Kinap silaannaap pissusiata allanngoriartorneranit sunnerneqarsimanini pissutigalugu “Issittup qanittuani naalagaaffittut” inissisimarusunnera allakkiani erseqqissarneqarpoq.⁷ Aammattaaq Kinamiut - ilaatigut Issittumi Siunnersuisoqatigiit aqutugalugit avaqqullugilluunniit - naalackersuinikkut periutsinik allanik atuinissaminnik soqutigisaqarnerat erseqqissarneqarpoq - tamatumunnga ilanngullugu “Issittumi silkimik assartuinermut aqqut kiisalu nassuiaatit amerlanertigut amigaataasaraluartut Kinap “inuit ataatsimoorlutik siunissaat” pillugu soqutigisaannik ilaatigut imaqarput.⁸
6. **Kinap Issittumi anguniagaasa akuersaarneri qaqutikkut ataavartumik isumalluarfigineqartarput.** Kinap Issittumi ilisimatusarluni misissuisarfimmik sananissaa Norgep siulliulluni akueraa Sverigellu nunarsuarmi kisiartaalluni qaammataasaliortuup Kinamit tamakkiisumik pigineqartup sananeqarnissaa akueraa. Angusat taakku marluk, piffissami pineqartumi Kinap iluarilluinnagai, nunat pineqartut arlaannaannulluunniit aningaasaqarnikkut iliuuseqartariaqarnermut Kinamiillu annertuumik suliaminut sumiginnaaneranut illersuinngillat. Kinap pisuni marluusuni tamani nunat pineqartut naalackersuisuisa iliuusaat kisiisa pinnagit aammali innuttaasut iliuusaat pillugit, tassa aqutseriaatsimik isornartorsiuisoq Liu Xiaobo Nobelip eqqissineq pillugu nersunnaasiuttagaanik nersornaaserneratigut kiisalu innuttaasumik Sverigemeersumik Gui Minhaimik qimarngussinermigut, pillarpai. Norgep Sverigellu suleqatigiikkunnaarnerup mumisinnissaanut ilungersornerat - Sverigep innuttaasuminut nipangiussinermigut Norgellu aalajaalluni Kinap Issittumi Siunnersuisoqatigiinni nakkutilliisutut nalunaarsorneqarnissaanik tapersersuineratigut - Norgep aalisakkanik avammut niueruteqarneranik killersuisoqarlunilu Sverigemillu suleqateqarunnaarnissamik siorasaarnermik utertitsivigineqaannarput.

7. **Issittup Kinamik niueqateqarnissaminik pisariaqartitsinera amerlasuutigut qaffassarneqartarpoq, niueqateqarnerullu ingerlarnga naalagaaffinnut allanut sanilliullugu annikinneruvoq.** Kinap niueqateqarsinnaassusaa Issittumi naalagaaffiit ilaannit ernumanartoqartinneqarpoq, nunalli ilaata Kinamik niueqateqarnissaminut pisariaqartitsinera annikippoq. Issittumi naalagaaffiit annikinnerpaamik aningaasaqarfiusut - Sverige, Norge; Danmark, Finland aamma Island - avammut niueruteqarnerisa 4.0%-iinnaa Kinamut tuttarpoq, USA-miit annikinnerulluni (6,2%) USA-lu minillugu NATO-mi kiisalu EU-mi aningaasaqarnermiit annikinnerungaatsiarpoq.⁹
8. **Kina nunap ilaanni sunniuteqarnissaq annertusarniarlugu Issittumi aallartitaqarnissamut annertuumik aningaasaliivoq.** Kina qaffasissumik atorfilinnik - præsidentinik, naalakkersuisut siulittaasuunik, præsidentip tullersortaanik, nunanut allanut naalakkersuisunik illersornermullu naalakkersuisunik - ukiumi kingullerni 20-ni 33-eriarluni USA minillugu nunanut Issittumiittunut tikeraartitsisarpoq. Beijing Issittumi Siunnersuisoqatigiinnut nakkutilliisunngorniarluni uteriilluni isumaqatissarsiorpoq, nunallu assigiinngitsut killeqarfiit akimorlugit avatangiisit pillugit suleqatigiiffiini annertuumik saqqumilerlutillu nammineq avatangiisit pillugit suleqatigiissitanik pilersitsipput, taakkununga ilaalluni Kina-Ruslandip Issittoq pillugu suleqatigiissitai aammalu naalagaaffiit nunap ilaanilu naalakkersuisunut attaveqarneq nukittorsarniarlugu Kina-nunat avannarliit Issittoq pillugu ilisimatusarluni misissuisarfissaanik pilersitsineq.
9. **Kinap Issittumi sakkutooqarnikkut inissisimanera annertusivoq, ilisimatusarnikkullu aalussat pilersaarusionermut aammattaaq iluaqutaassapput.** Kinap sakkutuut umiarsui marloriarluni Issittumukartinnikuuai, soorlu Alaskamut kingusinnerusukkullu Danmarkimut, Sverigemut Finlandimullu ajunngisaarluni tikeraartillugit. Umiarsuaq sikumik aserorterut nunap inoqqaavinik sananeqartoq siulleq sanatippaa, umiarsuarnillu sikunik aserorterutinik allanik aamma sanatitsissamaarpoq, taamatuttaarlu umiarsuarnik sikumik aserorterutinik atomit nukinganik orsutortunik aamma sanatitsinissamut aningaasaliinissamik eqqarsaateqarpoq.
10. **Kinap Issittumi ilisimatusarnermik aalussinera misilittakkanik katersuiffiungaatsiarlunilu aqqutsissiuivoq.** Kina umiarsuaatini sikumik aserorterisartoq atorlugu quleriarluni Issittumi paasisassarsiorluni angalatitsinikuuvoq, amerlanertigut 100-it sinnerlugit ilaasoqartunik, atorfilittat aqutseriaatsimik sumiissuserfiuinermillu misilittakkanik katersinertut isigisaannik. Kinap aammattaaq Norgemi, Islandimi Sverigemilu ilisimatusarluni misissuisarfiit qaammataasaqarfiillu pilersillugillu - Norgemi misissuisarfik 24-nik inoqarsinnaallunilu peqqumaatissanik pilersorneqarsinnaammat - Canadami Kalaallillu Nunaanni assingusunik pilersitsinissani anguniarpaa. Naggasiullugu, Kinap Issittoq qaammataasaqarnermut, timmisartornermut, immami aqqartartunut inuttaqanngitsunut, puttaqutinut allaalluunniit “sikunik qillerivinnut inuttaqanngitsunut” misissuinermi atorneqartussanut misileraaffittut atorpaa.

11. Kinap Issittumi nunap aaqqissuussaanera pillugu aningaasaliinera ilaatigut marloqiusamik atorpeqarpoq. Nunap aaqqissuussaanera pillugu suliniutit arlallit Kinamit ingerlanneqartut annikitsuinnarmillu aningaasaqarnikkut iluanaarfiusut pilersaarusionermermi kajumissaatit marloqiusamillu atorpeqarnerat ernummatigineqarpoq. Taakkununnga ilaavoq Kinami atorfilittap isumaqatissarsiortup sumiiffimmi golferfiusinnaangitsumi golfertarfiliorniarluni mittarfiliorniarlunilu nunaminertamik 250 kvadratmeterisut angissusilimmik kingusinnerusukkullu Norgemi Svalbardip nalaani qeqertarpaat akornanni 200 kvadratmeterinik pisinera. Suliffeqarfiit Kinamiittut Kalaallit Nunaanni sakkutooqarfikumik pisiniarlutik; Kalaallit Nunaanni mittarfinnik pingasunik sananiarlutik; Sverigemi Skandinaviamut isaaffimmik annerpaamik sananiarlutik; aqqartartoqarfimmik Sverigemiittumik pisissallutik (iluatsillugu); qimuttuitsut aqputaat atorlugit Finland Issittullu sinnera Kinamut attavinitsinniarlugu; aamma Arkhangelskimi Ruslandimiittumi assinganik isaaffiliorlutillu qimuttuitsut aqputaannik sananiarlutik periarfissarsiortup.

12. Kinap Issittumi nioqqutissanut aningaasaliinera akunnattumik tiguneqarpoq. Pingaarutillit iluatsittut arlaqaraluartut Kinamiut aningaasaliineri arlallit iluatsinngillat. Assersuutitut Kinami suliffeqarfiup Canadami zinkimik piiavik qimaannarpaa, akiitsoqarfiit akilerumanagit najukkamilu naalakkersuisut pinngortitamut mingutsitamut akiliisussanngortippai. Suliffeqarfiup allap aningaasaliiffini pakatsissutigai, kingusinnerusukkullu aningaasaliivallaarsimanerarluni eqqartuussivimmut suliassannguivoq. Kalaallit Nunaanni, Kinami suliffeqarfissuup Kinami inatsisitigut ajornatorsiulernini pequtigalugu saviminermik piiaffik qimaannarpaa. Islandimi, Kinami suliffeqarfik pisuussutinik missingersuineq siulleq ajorsimammat Issittumi paasisassarsiortermut suleqatigiinnermit tunuarpoq.

Kinap Issittumi nipai marluk

Rush Doshi, Alexis Dale-Huang aamma Gaoqi Zhang

Anguniakkat: “Issittumi pissaanilissuanngorneq”

- **Avammut nalunaarut:**
 - Oqartariaaseq “Issittumi pissaanilissuaq” [极地强国] Kinap Issittoq pillugu allakkiaani qaqortumi 2018-imeersumi ersiganilu Nunanut allanut naalackersuisoqarfiup oqaasiini ilaanngisaannarpoq.
- **Kinamiunut malinnaasunut:**
 - “Nunani tamalaani pisut allanngorartuartut pissutigalugit Issittumi suliaqut naammassilluartariaqarpagut...Issittumi nuna pillugu politikkit aningaasaqarnikkullu nunanut Issittumiittunut allanut attuumassuteqarnerit annertuumik allanngoriartorput...Maanna pisut eqqarsaatigigaanni... Kina Issittumi pissaanilissuarnut... ilannguttariaqalerpoq”¹⁰
 - Kinap Issittumi anguniagai pillugit Xi Jinpingip 2014-imi novembarip 18-iani oqalugiaataa pillugu pisortatigoortumik oqaaseqaatit State Oceanic Administrationip (SOA) aviisiliaani saqqummersinneqarput, tassanilu Issittumi pilersaarutit arlallit ilaapput. Oqalugiaat saqqummersinneqarnikuunngilaq, oqaaseqaatilli SOA-llu misissuinermini nassaarisai oqalugiaatip imarisinnaasai pillugit qaammarsaataapput.

Paasisimasat: “Kinap pilersaarusiai nutaat”

- **Avammut:**
 - Issittup siunissaa nunat Issittumiittut soqutigisaannut attuumassuteqarpoq, aammattaarlu nunat Issittup avataaniittut nunarsuullu inuisa tamarmik ajunnginnissaannut attuumassuteqarpoq. Kina nunatut akisussaaffeqartutut Issittumi aporaattumik takorusunngilaq, Issittumilu sunniuteqarumanani. Kina nunanik attuumassuteqartunik, soorlu Islandimik, Issittumi silap pissusiata allanngoriartorneranut avatangiisimillu illersuinermit tunngasut pillugit suleqateqarusuppoq. Unammillernartut eqqissinissamullu, allanngujitsuunermit Issittumilu piujuartitsineq siunertaralugu ineriartortitsineq.”¹¹
 - Kinamiut Islandimi aallartitaat Jin Zhijian 2019-imi oktobarimi Islandimiut tusagassiutaatigut allakkiamik saqqummersitsivoq.
- **Nunagisami:**
 - “Nunarsuarmi innuttaasut tallimaagaangata ataaseq Kinameersuusartoq arlaleriarlunga oqaatigisarpara, taamaammat Qalasersuarmi kujallermi Issittumilu aallussat tallimararterutaat ilaaffigisinnaavagut? Inuit tamarmik kingornussassaraat, kinaluunniit pissaqarpoq. Illersunngikkukkit ilungersuutigiginagit, taamaalillutit oqaasissaqanngilatit... Allat isumalluutigiuannarsinnaanngilagut; Kinami innuttaasut matumani piginnaatitaaffeqarput.”¹²
 - Kinami sakkutuut umiartortut Admiraliat Yin Zhuo 2010-mi politikkeqarneq pillugu ataatsimeersuarnermi “Two Sessions”-imi malinnaasutut.

Sakkutooqarneq: "Sakkutooqarnermi pilersaarusiornikkut aalajangeeriaatsit nutaat"

- **Avammut:**

- "Kinap Issittumi politikikkut angorusutai ukuupput; paasinnineq, Issittup naalackersuisoqarnerani ineriartortitseqataallunilu peqataaneq, soorlu nunat Issittumiittut avataaniittullu tamat soqutigisaqatigiinnerisa illersornissaat aamma Issittumi piujuartitsinerup siuarsarneqarnissaa."¹³
 - 2018-imi Arctic White Paper Beijingip Issittumi anguniagaanik angorusutaanillu erseqqissaasut pingaarnersaasa ilaannit.

- **Nunagisami:**

- "Piffissami qaninnermi nunani tamalaani nunat killingi pillugit sorsunnerit immami nunamilu pissaaneqarnikkut ersersinneqartarput. Sumiiffiit, pisuussutit aamma aqutissat pilersaarusiornissamut naapertuuttut sorsunnermi toqqammaviupput... Ataatsikkullu nunap killingi pillugit sorsunnermi immat, Issittup ilai, silaannai, internetsi nunanilu tamalaani sumiiffiit tamanit tikinneqarsinnaasut allat sakkortusaassallutillu pissaanillit sakkutooqarnikkut pilersaarusiorninerinut annertuumik siammasissumillu sunniuteqassapput."¹⁴
 - Allakkiaq "Science of Military Strategy" 2013-imeersoq Kinap sakkutooqarnikut pilersaarutai pillugit allakkiani pingaarnarit ilaat naapertorlugu.
- "Issittoq sakkutooqarnermut pilersaarusiornermi aamma pingaaruteqarpoq. Issittoq nunavissuit soorlu Kangiata, Europap aamma Amerikap Avannarliup pilersaarusiornernanut pingaarutilittut inissisimavoq. Sakkutooqarneq pillugu immikkut ilisimasallit Issittoq aqukkaanni nunarsuarmi tamarmi sakkutooqarneq aqunneqarsinnaasooq upperaat."¹⁵
 - Kinap Norgemi aallartitarisimasaa Tang Guoqiang China Institute of International Studiesimut 2013-imi allagaqarpoq.

Ilisimatusarneq: "Oqaaseqarsinnaatitaaneq"

- **Avammut:**

- "Kinap inuiaqatigiinnik avatangiisinut nalimmassarsinnaasunik silaannaallu pissusiata allanngoriartornera pillugu nunanik tamalaanik suleqateqarsinnaasunik pilersitsinissani ataavartumik inerisarpaa. Silaannarmut aniatitsinerup annikillisinnaasut misissuinerit Kinamit atulernerqartut Issittumi silaannarmik avatangiisinillu illersuinerimut ajunngitsumik sunniuteqarput. Politikikkut suleqatigiinnissaq, paarlaaqatigiinnerup nukittorsarneqarnissaa suleqatigiinnissarlu, Issittumilu silaannaap pissusiata allanngoriartornera najoqqutaralugu unammillernarsinnaasut pitsaasumik aqunneqarnissaaat siunertaralugu attuumassuteqartut tamaasa suleqatigiinnarnissaat angorusupparput."¹⁶
 - Nunanut allanut naalackersuisoqarfimmi oqaaseqartartup Geng Shuangip 2019-imi maajip qulingiluaani tusagassiortunik katersuutsitsinera.

- **Nunagisami:**

- "... nunarsuarmi pisuussutini unammillissutaanerpaat pingasut tassaapput immap naqqa, qaammat Qalasersuarlu Kujalleq. Nunat mikinerit pisinnaasartik tamat Qalasersuaq Kujalleq pillugu aalajangiisinnaassuseqarnerulerniarlutik 'aappalaartortillu napparniarlugu' sapinngisartik tamaat Qalasersuarmi Kujallermi misissuisarfinnik pilersitsiortorput. Qalasersuarmi Kujallermi ilisimatusarluni misissuisarfinnik annaasaqarneq pisuussutinik inerisaavimmik annaasaqarnertut taaneqarsinnaavoq."¹⁷
 - Yang Huigen, Kinap Issittoq pillugu atorfilittaasa ilaat 2005-imi.

Naalagaaffinnut allanut attaveqarneq: Kina "Issittup qanittuani naalagaaffiuvoq"

- **Avammut:**

- "Ataqqinninneq Kinap Issittumi aallusiinerani pingaernerpaavoq. Ataqqinninneq illuatungeriit tamarmik atortariaqarpaat. Naalagaaffiit isumaqatigiissutit nunanut tamalaanut atuuttut, soorlu Naalagaaffiit peqatigiit nalunaarutaat UNCLOS-ilu, kiisalu inatsisit nunanut tamalaanut atuuttut malittariaqarpaat."¹⁸
 - Kinap Issittoq pillugu allakkiaanit Arctic White Paperimiit 2018-imeersumiit.
- Issittoq Qalasersuarmut Kujallermut assersuunneqarsinnaanngilaq, tassami taanna nunanut tamanut ammavoq. Nunat allat Issittup paasisassarsiorfiginissaanut inerisarnissanullu ilaajumagunik nunat eqqaamiuusut suleqatigisariaqarpaat... nunallu Europap avannaaniittut Issittumut aqput nanineqarnissaanut Kinamut suleqataalluarsinnaapput."¹⁹
 - Kinap Sverigemi aallartitarisimasaa Chen Mingming 2017-imi apersorneqarami.

- **Nunagisami:**

- "Nunat Issittumiittut nunavittaata killingi siammarterlugit iluatsikkaluarunikkilluunniit imartaat sulii nunanut tamalaanut ammasuussapput."
- "Kina Issittumi nunaateqanngilaq, soqutiginniporli."²⁰
 - Guo Peiqing, Kinami Issittoq pillugu ilisimatusarsimasut qaffasissumik inissisimasut ilaat, 2016-imi aprilimi.

¹ Assersuutigalugu takuuk "合作才能避免失序" [Cooperation to Avoid Disaster], 中工网 [Zhonggongwang], 12. maaji 2014, <http://world.worker.cn/63/201405/12/140512054028106.shtml>. Allakkiaq una National Defense University's Strategic Research Institute pisortamit allanneqarpoq.

² "本报记者专访中国极地研究中心副主任杨惠根博士我国酝酿环球考察" tusagassiortutta Dr. Yang Huigen, China Polar Research Centerimi pisortap tullia apersorpaa, nunaga nunarsuarmi tamarmi paasisassarsiorinissaminut piareersarpoq, [Sina] 5. decembari 2005, <http://news.sina.com.cn/s/2005-12-05/00437617786s.shtml>.

³ 战略学 (2013 年版) [The Science of Military Strategy] (Beijing: 军事科学出版社 [Military Science Press], 2013), 16, <https://fas.org/nuke/guide/china/sms-2013.pdf>, 74, 105-6.

-
- 4 郭培清 [Guo Peiqing], “郭培清: 中国在北极没土地, 但有利益” [Guo Peiqing: China Has No Land in the Arctic, but It Has Benefits], 环球网 [Huanqiu Wang], April 29, 2016, <https://opinion.huanqiu.com/article/9CaKrnJV498>; 唐国强 [Tang Guoqiang], “北极问题与中国的政策” [Arctic Issues and China’s Policies], 国际问题研究 [International Studies] (2013), CNKI: D993.5.
- 5 Assersuutigalugu takuuk 郭云青 [Guo Yunqing], “探秘中国南极新站选址” [Exploring the Location of China’s New Antarctic Station], 人民日报 [People’s Daily], 14. januaari 2013, <http://world.people.com.cn/n/2013/0114/c157278-20186013.html>.
- 6 “Allakkiq tamakkiisooq: China’s Arctic Policy,” (Beijing: The State Council of the People’s Republic of China, January 26, 2018), http://english.www.gov.cn/archive/white_paper/2018/01/26/content_281476026660336.htm; “‘极地未来对中国影响重大’——专访中国海洋大学极地问题专家郭培清” [The Future of the Polar Regions Will Have a Significant Impact on China’ - Interview with Guo Peiqing, an Expert on Polar Issues at Ocean University of China], 上海市科学技术协会 [Shanghai Association for Science & Technology], 10. juuli 2008, <http://sast.gov.cn/view/8013.html>; and 程保志 [Cheng Baozhi], “试析北极理事会的功能转型与中国的应对策略” [On the Functional Transformation of the Arctic Council and China’s Countermeasures], 国际论坛 [International Forum] 15, no. 3 (2013), CNKI: D815.3.
- 7 孙凯 [Sun Kai] and 武珺欢 [Wu Junhuan], “北极治理新常态与中国的深度参与战略” [The New Situation of Arctic Governance and China’s Deep Participation Strategy] 国际展望 [Global Review] no. 6 (2015): 75, <http://www.siis.org.cn/shgjw201512107417/UploadFiles/file/20161223/201506007%20%E5%AD%99%20%20%20%E5%87%AF.pdf>.
- 8 “Allakkiq tamakkerlugu: China’s Arctic Policy,” The State Council of the People’s Republic of China. Also see 杨剑 [Yang Jian] aamma 郑英琴 [Zheng Yingqin], “‘人类命运共同体’思想与新疆域的国际治理” [The Idea of ‘Community of Shared Future for Mankind’ and International Governance in New Frontiers], 上海国际问题研究院 [Shanghai Institutes for International Studies], 10. oktobari 2017, <http://www.siis.org.cn/Research/Info/4256>.
- 9 2019 data from UN Comtrade Database, <https://comtrade.un.org/>.
- 10 “二论深入学习贯彻习近平主席重要讲话精神” [Second Discussion on the In-Depth Study and Implementation of the Spirit of Chairman Xi Jinping’s Important Speech], 中国海洋报 [China Ocean News], 25. novembari 2014, <https://web.archive.org/web/20191213230323/http://www.oceanol.com/redian/shiping/2014-11-25/38013.html>.
- 11 “驻冰岛大使金智健在冰岛《晨报》发表署名文章《中国是促进北极发展的重要力量》” [Nunanut allanut aallartitaq Jin Zhijian Icelandimittuq allaaserisamik atsiukkami saqqummersitsivoq, “China Is an Important Force for the Development of the Arctic’ in Iceland’s Morning Post], 中华人民共和国驻冰岛共和国大使馆 [Embassy of the People’s Republic of China in the Republic of Iceland], 15. oktobari 2019, <http://is.china-embassy.org/chn/zbqx/gjhz/t1708048.htm>.
- 12 “尹卓: 美国海上霸权威胁中国安全” [Yin Zhuo: U.S. Maritime Hegemony Threatens China’s Security], 中国网 [China Internet Information Center], 8. marsi 2010, http://www.china.com.cn/fangtan/zhuanti/2010lianghui/2010-03/08/content_19556085.htm.
- 13 “Allakkiq tamakkerlugu: China’s Arctic Policy,” The State Council of the People’s Republic of China, 26. januaari 2018, http://english.www.gov.cn/archive/white_paper/2018/01/26/content_281476026660336.htm.
- 14 军事科学院军事战略研究部 [Military Strategic Research Department of the Academy of Military Science], 战略学 (2013 年版) [The Science of Military Strategy] (Beijing: 军事科学出版社 [Military Science Press], 2013), 16, <https://fas.org/nuke/guide/china/sms-2013.pdf>.
- 15 唐国强 [Tang Guoqiang], “北极问题与中国的政策” [Arctic Issues and China’s Policies].
- 16 “2019 年 5 月 8 日外交部发言人耿爽主持例行记者会” [Nunanut allanut naalakkersuisoqarfimmi oqaaseqartartup Geng Shuangip 2019-imi maajip qulingiluuaani tusagassioortunik nalinginnaasumik katersuutsinera], 中华人民共和国外交部 [Ministry of Foreign Affairs of the People’s Republic of China], May 9, 2019, https://www.fmprc.gov.cn/web/fyrbt_673021/t1661695.shtml.
- 17 “本报记者专访中国极地研究中心副主任杨惠根博士我国酝酿环球考察” [Our Reporter Interviewed Dr. Yang Huigen, Deputy Director of the China Polar Research Center, My Country Is Preparing for a Global Expedition], 新闻中心 [Sina], 5. decembari 2005, <http://news.sina.com.cn/s/2005-12-05/00437617786s.shtml>.
- 18 “Allakkiq tamaat: Kinap Issittoq pillugu politikkaa,” People’s Republic of Chinap naalakkersuinikkut siunnersuisiqatigivi.”
- 19 Yang Sheng, “President Xi’s Finland Trip Offers Arctic Opportunities,” Global Times, 30. marsi 2017, <http://www.globaltimes.cn/content/1040482.shtml>.
- 20 郭培清 [Guo Peiqing], “郭培清: 中国在北极没土地, 但有利益” [Guo Peiqing: China Has No Land in the Arctic, but It Has Benefits], 环球网 [Huanqiu Wang], 29. aprili 2016, <https://opinion.huanqiu.com/article/9CaKrnJV498>.